



**MEMORIA XUSTIFICATIVA DA ADDENDA AO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA DA XUNTA DE GALICIA (ACTUALMENTE VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO) E FARMACÉUTICOS MUNDI PARA ACTUACIÓNS DE ACCIÓN HUMANITARIA E DE EMERXENCIA.**

(1) A Vicepresidencia Primeira e Consellería de Presidencia, Xustiza e Turismo, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento.

A política da Xunta de Galicia en materia de cooperación ao desenvolvemento enmarcase no establecido na Lei 3/2003, do 19 de xuño, de cooperación para o desenvolvemento. O artigo 2 da citada Lei enuncia entre os obxectivos da cooperación para o desenvolvemento:

- Atender as situacións de emerxencia das poboacións máis desfavorecidas que requiran da cooperación externa, tanto mediante axuda humanitaria coma mediante accións dirixidas á reconstrución e ao restablecemento institucional.

**(2) Antecedentes:**

Dende o ano 2009, a Xunta de Galicia (tanto a través da extinta Fundación Axencia Humanitaria de Galicia como a través da D.X. de Relacións Exteriores e coa UE) vén colaborando con Farmacéuticos Mundi para levar a cabo actuacións de axuda humanitaria e de emerxencia mediante a dotación dun fondo para emerxencias que permita unha resposta rápida nas emerxencias acaecidas, ademais de manter un material en stock no centro loxístico que a organización posúe en Paterna, Valencia.

Esta colaboración con Farmacéuticos Mundi que é unha entidade sen ánimo de lucro e que ten entre os seus fins sociais levar a cabo actuacións de acción humanitaria e de emerxencia no ámbito farmacéutico e humanitario para axudar ás poboacións máis



desfavorecidas dos países en vías de desenvolvemento, vítimas de catástrofes de orixe natural ou humano. Así mesmo, xestiona o envío de medicamentos, material sanitario ou de primeira necesidade a poboacións con carencias neste tipo de subministración. Para elo, esta ONGD garante o cumprimento da normativa internacional ditada pola OMS.

Dando continuidade a esta colaboración o 5 de febreiro de 2020 asinouse un novo convenio de colaboración con Farmamundi, por un período de vixencia que abrangue dende o 1 de xaneiro de 2020 ata o 31 de decembro de 2020, para actuacións de acción humanitaria e emerxencia por importe de 50.000,00 € con cargo á aplicación orzamentaria 05.26.331A.490.0.

(3) **Finalidade** Co fin de dar continuidade á colaboración co Farmacéuticos para a execución de actuacións e proxectos en materia de acción humanitaria e de emerxencias en países con poboacións afectadas por catástrofes de orixe natural o humano, tense previsto formalizar unha addenda ao convenio asinado o 5 de febreiro de 2020.

(4) A addenda igual que o convenio, ten por **obxecto** atender as necesidades máis urxentes das poboacións afectadas por catástrofes de orixe natural o humano, con especial énfase nos colectivos máis vulnerables, mediante a provisión inmediata de bens e servizos esenciais para a supervivencia (auga, abrigo, medicamentos, atención sanitaria e/u outro material de primeira necesidade), e paliar o sufrimento das poboacións afectadas por crises de longa duración e desequilibrios crónicos e estruturais, con énfase en países e poboacións de menor Índice de Desenvolvemento Humano (IDH).

(5) Tendo en conta as especificidades que se requiren nas actuacións de atención das emerxencias, que son de claro interese público humanitario e inciden directamente no ámbito da poboación en xeral, a necesidade da súa urxente posta en marcha, así como a natureza específica da entidade destinataria, a Dirección Xeral de Relacións Exteriores e





**XUNTA DE GALICIA**

VICEPRESIDENCIA PRIMEIRA E CONSELLERÍA  
DE PRESIDENCIA, XUSTIZA E TURISMO  
Dirección Xeral de Relacións Exteriores  
e coa Unión Europea



coa UE considera que o proxecto reúne os requisitos esixidos para a concesión directa da subvencións segundo o artigo 26 da Lei 9/2007, do trece de xuño, de subvencións de Galicia, e segundo o artigo 40 do Decreto 11/2009, do 8 de xaneiro, polo que se aproba o Regulamento da Lei de Subvencións de Galicia, ao non ser posible promover a concorrência pública dada a especificidade das actividades que son de interese público humanitario e maila natureza da entidade destinataria da subvención.

(6) A Xunta de Galicia financiará a addenda ao convenio cunha achega total de vinte e oito mil novecentos noventa e sete euros con noventa y cinco céntimos (28.997,95 €), con cargo á aplicación orzamentaria 05.26.331A.490.0, co que a dotación total do convenio será de 78.997,95 € (setenta e oito mil novecentos noventa e sete euros con noventa e cinco céntimos).

(7) Polo exposto, considérase xustificada a utilización do instrumento da addenda ao convenio para articular as actuacións de referencia, quedando a dita addenda fóra do ámbito de aplicación do texto refundido da Lei de contratos do sector público, aprobado polo Real decreto lexislativo 3/2011, do 14 de novembro, con independencia de que, ao abeiro do previsto no artigo 4.2 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Firmado electronicamente en Santiago de Compostela

Jesús Gamallo Aller

Director xeral de Relacións Exteriores e coa UE



**Xacobeo 2021**

